

Hringbrautarverkefnið – staða framkvæmda

- Afhending útboðsgagna vegna uppsteypu á nýju þjóðarsjúkrahúsi
- Hönnunarteymi skoðar grunn við nýjan Landspítala
- Framkvæmdir við bílastæði á lóð Landspítala við Kringlu
- Framkvæmdir sunnan og vestan við Eirberg
- Frágangur sunnan við geðdeildarbyggingu Landspítala
- Jarðvinna vegna bílakjallara undir Sóleyjartorg
- Jarðvegsframkvæmdir fyrir nýjum meðferðarkjarna (nýtt sjúkrahús)
- Frágangur við bílastæði norðan við Eirberg
- Frágangur við bílastæði vestan við Gamla Landspítala

Afhending útboðsgagna vegna uppsteypu á nýju þjóðarsjúkrahúsi



Útboðsgögn vegna uppsteypu á stærstu byggingu Hringbrautarverkefnisins, nýjum meðferðarkjarna, verða afhent þáttakendum í lokuðu útboði mánudaginn 29.6.

Fimm fyrirtæki hafa þegar metin hæf til að annast framkvæmdina, Eykt, Íslenskir aðalverktakar, Ístak, ÞG verktakar og Rizzani De Eccher S.P.A. – Rizzani De Eccher Ísland ehf. og Þingvangur ehf., sem bjóða saman í verkið.

Áætlaðar magntölur eru að mótafletir eru 220.000 fm., steypa, veggir, rammar og súlur eru 25.000 rm. og plötusteypa er 30.000 rm.

Gert er ráð fyrir 11.400 tonnum af bendistáli.

Stærð meðferðarkjarnans er um 69.000 fm. og rúmmál hans 311.000 rm.

Uppsteypuverkefnið stendur yfir í tvö og hálftrár og síðan tekur fljótlega við innivinna. Áætlað er að heildarframkvæmdum á Hringbrautarsvæðinu verði lokið 2025-2026.

Hönnunarteymi skoðar grunn við nýjan Landspítala



Fulltrúar frá Corpus skoða framkvæmdasvæði nýs Landspítala við Hringbraut



Gengið úr grunni þar sem nýtt þjóðarsjúkrahús mun rísa



Grunnurinn skoðaður frá ýmsum sjónarhornum

Fulltrúar frá hönnunarteyminu Corpus skoðuðu í vikunni grunn við nýjan Landspítala. Corpus teymið hefur unnið að fullnaðarhönnun við nýjan Landspítala. Fjögur fyrirtæki standa að Corpus hópnum þ.e. Basalt arkitektar, Hornsteinar arkitektar, Lota og VSÓ verkfræðistofa. Stefnt er að því að uppsteypa verksins hefjist fljótlega nú þegar jarðvegsframkvæmdur eru á lokametrunum.

Framkvæmdir við bílastæði á lóð Landspítala við Kringlu



Malbikun er lokið og búið að helluleggja og merkja bílastæði við Kringlu



Nýju bílastæðin séð til kvennadeildar

Breytingum á bílastæði á lóð Landspítala er nánast lokið. Bíuð er að malbika og að steypa kantstein og mála bílastæðalínur. Frágangi á gönguleið á milli bílastæða er ekki lokið. Þar verður hellulagt og sett snjóbræðsla.
(Sjá nr. 1 á korti)

Framkvæmdir sunnan og vestan við Eirberg



Unnið er við hellulögn vestan við Eirberg



Vinnu við hellulögn er lokið sunnan við Eirberg en eftir er að setja þökur

Á þessu svæði er einungis eftir að gange frá hellulögn. Unnið er við yfirborðsfrágang og lokið hefur verið við gönguleið með snjóbræðslu á milli geðdeildarbyggingar og Eirbergs. Áætlað er að þessum framkvæmdum ljúki um mánaðamótin.
(Sjá nr. 2 á korti)

Frágangur sunnan við geðdeildarbyggingu Landspítala



Búið er að helluleggja meginhluta við geðdeildarbyggingu Landspítala



Eftir er að klára hellulögn við aðalinngang geðdeilda

Áfram er unnið við hellulögn við bílastæðin sunnan við geðdeildarbyggingu en vinnu við snjóbræðslu er lokið.

Einnig er unnið við bílastæði fyrir hreyfihamlaða og verða stæðin stækkuð og aðgengi að svæði við geðdeildarbyggingu bætt m.a. með snjóbræðslu.

Bílastæðin verða malbikuð um mánaðamótin.

(Sjá nr. 3 á korti)

Jarðvinna vegna bílakjallara undir Sóleyjartorg



Grunnur bílakjallara



Grunnur bílakjallara séð til austurs

Sprengivinnu við grunn bílakjallara er lokið og unnið er við að fjarlægja efni úr vinnurömpum.

Bílakjallarinn verður staðsettur undir Sóleyjartorgi austan við meðferðarkjarna.

Áætlað er að jarðvegsframkvæmdum vegna bílakjallara ljúki í byrjun júlí.

(Sjá nr. 4 á korti)

Jarðvegsframkvæmdir fyrir nýjum meðferðarkjarna (nýtt sjúkrahús)



Grunnur við nýtt þjóðarsjúkrahús

Vinna við grunn við nýtt þjóðarsjúkrahús er á lokastigi. Lokið verður við smávægilegar breytingar vegna tengiganga á næstu dögum.

Grunnurinn er um 200 metrar að lengd og um 100 metrar að breidd.


Öll umferð um framkvæmdasvæðið er bönnuð og svæðið er vaktað.

(Sjá nr. 5 á korti)

Frágangur við bílastæði norðan við Eirberg



Búið er að ganga frá hellulögðum eyjum norðan við Eirberg



Unnið er við hellulögn norðan við Eirberg

Vinna við að helluleggja eyjur er lokið og bílastæðalínur hafa verið málaðar. Unnið er við að leggja snjóbræðslu og hellulögn í bílastæði fyrir hreyfihamlaða.

Stæðin eru gjaldskyld og eru ætluð fyrir sjúklinga og aðstandendur þeirra.

Verklok eru áætluð í júlí.

(Sjá nr. 6 á korti)

Frágangur við bílastæði vestan við Gamla Landspítala



Framkvæmdir vestan við Gamla spítala

Frágangi við bílastæði vestan við Landspítala er ekki enn lokið.
Lokið er við að leggja snjóbræðslu og eftir er að helluleggja á gönguleið frá bílastæði að
Gamla spítala.
Verklok eru áætluð í júlí.
(Sjá nr. 7 á korti)

Skýringarmynd

Yfirlitsmynd af svæðinu sem sýnir framkvæmdasvæði nýs Landspítala og gönguleiðir



Nánari upplýsingar.

Allar upplýsingar um framkvæmdina verða birtar á upplýsingasíðum NLSH, Landspítala og Háskóla Íslands og annarra hagsmunaaðila eftir því sem verða vill. Einnig mun upplýsingum verða reglulega komið á framfæri í fjölmöglum ef miklar breytingar verða á umferðarfyrirkomulagi.

Nánari tæknilegar- og verkframkvæmdaupplýsingar veita:

Ásbjörn Jónsson verkefnastjóri NLSH, 841 7050 eða netfangið asbjorn@nlsh.is

Aðrar almennar upplýsingar veitir Magnús Heimisson samskiptastjóri NLSH, 866 1378 eða magnus@nlsh.is

Sértækar upplýsingar veitir af hálfu Landspítala Stefán Hrafn Hagalín 897 3644 stefanhh@landspitali.is og frá Háskóla Íslands Björn Gíslason 896 0876 bgisla@hi.is



Hringbrautar
verkefnið

nlsh.is

NLSH ohf. / Skúlagata 21, 101 Reykjavík / Aðalnúmer 551 6010 / kt. 500810-0410 / postur@nlsh.is

Höfundaréttur © NLSH ohf.